

**REGIONAL NEWS UNIT
ALL INDIA RADIO, AGARTALA
Date: 07-03-2026
Time: 07:55-08:05 PM Hrs
BENGALI EVENING BULLETIN**

Headlines :

- (১) উপরাষ্ট্রপতি সি.পি রাধাকৃষ্ণ দু'দিনের রাজ্য সফরে আজ আগরতলায় এসেছেন।
- (২) কৃষিমন্ত্রী রতন লাল নাথ বলেছেন গত বছরের তুলনায় এ বছর ত্রিপুরায় খাদ্যশস্য উৎপাদন ১২% বেড়েছে।
- (৩) প্রধানমন্ত্রী নরেন্দ্র মোদী আগামীকাল নয়াদিল্লিতে প্রায় তেত্রিশ হাজার পাঁচশো কোটি টাকার একাধিক উন্নয়নমূলক প্রকল্পের উদ্বোধন ও ভিত্তিপ্রস্তর স্থাপন করবেন।
- (৪) আন্তর্জাতিক নারী দিবস উপলক্ষে রাজ্যেও অসমিতা প্রকল্পে নারীদের বিভিন্ন ক্রীড়া প্রতিযোগিতা অনুষ্ঠিত হবে খলাই জেলার কমলপুরে।
- (৫) টিসিএ পরিচালিত ঘরোয়া প্রথম ডিভিশন লিগ ক্রিকেট প্রতিযোগিতা আজ থেকে শুরু হয়েছে।

Vice president :

উপরাষ্ট্রপতি সি.পি রাধাকৃষ্ণ দু'দিনের রাজ্য সফরে আজ আগরতলায় এসেছেন। এম বি বি বিমান বন্দরে তাকে স্বাগত জানান রাজ্যপাল ইন্দ্রসেনা রেড্ডি নাল্লু, মুখ্যমন্ত্রী অধ্যাপক ডাঃ মানিক সাহা, সাংসদ রাজীব ভট্টাচার্য। পরে লোকভবনের উদ্দেশ্যে রওয়ানা দেন তিনি। উপরাষ্ট্রপতি আগামীকাল আগরতলায় অ্যালবার্ট এক্সা ওয়্যার মেমোরিয়ালে বীর সোনালীদের প্রতি শ্রদ্ধা জ্ঞাপন করবেন। এরপর, উদয়পুরে মাতা ত্রিপুরাসুন্দরী মন্দিরে পূজা দেবার পর

আগরতলায় ত্রিপুরা কেন্দ্রীয় বিশ্ববিদ্যালয়ের ১৪তম সমাবর্তন অনুষ্ঠানে যোগ দেবেন। আগামীকাল দুপুরে উপরাষ্ট্রপতি আগরতলার হাঁপানিয়া আন্তর্জাতিক মেলা প্রাঙ্গণে স্ব-সহায়ক দলের স্টল পরিদর্শন করবেন ও লাখপতি দিদিদের সঙ্গে মতবিনিময় করবেন।

CM-Bjp Meeting:

মুখ্যমন্ত্রী অধ্যাপক ডাঃ মানিক সাহার পৌরহিত্যে আসন্ন এডিসি নির্বাচনকে সামনে রেখে আজ আগরতলায় বিজেপি কার্যালয়ে এক সাংগঠনিক বৈঠক অনুষ্ঠিত হয়। বৈঠকে নির্বাচনী প্রস্তুতি, সংগঠন সম্প্রসারণ এবং বিভিন্ন বৃথভিত্তিক কার্যক্রম নিয়ে বিস্তারিত আলোচনা করা হয়। মুখ্যমন্ত্রী অধ্যাপক ডাঃ মানিক সাহা সাধারণ মানুষের কাছে সরকারের উন্নয়নমূলক কাজ পৌঁছে দিতে বিজেপি কর্মী সমর্থকদের প্রতি আহবান জানান। বৈঠকে উপস্থিত ছিলেন প্রদেশ বিজেপি সভাপতি তথা সাংসদ রাজীব ভট্টাচার্য, জনজাতি কল্যানমন্ত্রী বিকাশ দেববর্মা, প্রাক্তন সাংসদ রেবতী ত্রিপুরা, প্রদেশ বিজেপির সাধারণ সম্পাদক বিপিন দেববর্মা সহ জনজাতি মোর্চার নেতৃবৃন্দ।

Agriculture Minister ATMA :

কৃষিমন্ত্রী রতন লাল নাথ বলেছেন গত বছরের তুলনায় এ বছর ত্রিপুরায় খাদ্যশস্য উৎপাদন ১২% বেড়েছে। পাশাপাশি কৃষিতে যুবকদের অংশগ্রহণও বৃদ্ধি পেয়েছে, যার ফলে অনেকেই সরাসরি সুবিধা অনুভব করছেন। আজ প্রজ্ঞা ভবনে অনুষ্ঠিত ২০২৫-২৬ সালের রাজ্য স্তরের কৃষক মেলা এবং রাজ্য ও জেলা স্তরের শ্রেষ্ঠ কৃষক পুরস্কার প্রদান অনুষ্ঠানে তিনি একথা বলেন। মন্ত্রী বলেন, প্রধানমন্ত্রী নরেন্দ্র মোদি কৃষকদের আরও উৎপাদন, সংযোগ এবং রপ্তানির

আহ্বান জানিয়েছেন। মন্ত্রী জানান, প্রধানমন্ত্রী ভারতকে বিশ্বের শস্য ভান্ডার হিসেবে গড়ার চেষ্টা করছেন। অনুষ্ঠানে মন্ত্রী রাজ্যস্তরে ১০ জন কৃষককে ৫০,০০০ টাকা করে এবং জেলা স্তরে ৮০ জন কৃষককে ২৫,০০০ টাকা করে পুরস্কৃত করেন। অনুষ্ঠানে উপস্থিত ছিলেন উত্তর জেলা পরিষদের সভাধিনেত্রী অপর্ণা নাথ, কৃষি ও কৃষক কল্যাণ দপ্তরের সচিব অপূর্ব রায়, কৃষি দপ্তরের ডিরেক্টর ড. পি. বি. জামাতিয়া প্রমুখ।

CPIM :

আজ থেকে আগরতলা শ্যামাপ্রসাদ মুখার্জী টাউন হলে দু'দিন ব্যাপী ত্রিপুরা তপশিলী জাতি সমন্বয় সমিতির দশম রাজ্য সম্মেলন শুরু হয়েছে। এই উপলক্ষ্যে আয়োজিত প্রকাশ্য সমাবেশে বক্তব্য রাখেন দলিত শোষণ মুক্তি মঞ্চের সর্বভারতীয় নেতা ড: বিক্রম সিং। উপস্থিত ছিলেন সিপিআইএম রাজ্য সম্পাদক জিতেন্দ্র চৌধুরী, ত্রিপুরা তপশিলি জাতি সমন্বয় সমিতির নেতৃত্ব রতন ভৌমিক, সুধন দাস প্রমুখ।

TCW :

রাজ্য মহিলা কমিশনের উদ্যোগে আজ পশ্চিম ত্রিপুরা জেলা শাসকের কার্যালয়ে প্রি ম্যারিটাল কমিউনিকেশন সেন্টারের উদ্বোধন করা হয়। উপস্থিত ছিলেন পশ্চিম ত্রিপুরা জেলার জেলাশাসক ডাঃ বিশাল কুমার, মহিলা কমিশনের চেয়ারপারসন ঝর্ণা দেববর্মা চেয়ারপারসন বলেন, এই কমিউনিকেশন সেন্টারের মূল উদ্দেশ্য বিয়ে পরবর্তী বিভিন্ন সমস্যা সমাধানের বিষয়ে কাউন্সেলিং এর মাধ্যমে উপদেশ প্রদান করা। তিনি বলেন এই সেন্টারে বিশেষজ্ঞ পরামর্শের মাধ্যমে বৈবাহিক ঝামেলা রোধে মানসিক, সামাজিক, আইনি এবং আর্থিক দিকগুলির উপর নির্দেশনা প্রদান করে। জেলাশাসক ডাঃ বিশাল কুমার জানান,

এই কেন্দ্রগুলি সুস্থ দাম্পত্য জীবনের পরিমন্ডল গড়ে তোলার পক্ষে খুবই সহায়ক হবে।

Update Akashvani :

এখবর শুনছেন, আকাশবাণী আগরতলা কেন্দ্র থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন – ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্ল্যাটফর্মে-এ এ-আই-আর-নিউজ-এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

PM:

প্রধানমন্ত্রী নরেন্দ্র মোদী আগামীকাল নয়াদিল্লিতে প্রায় তেত্রিশ হাজার পাঁচশো কোটি টাকার একাধিক উন্নয়নমূলক প্রকল্পের উদ্বোধন ও ভিত্তিপ্রস্তর স্থাপন করবেন। এর মধ্যে প্রায় আঠারো হাজার তিনশো কোটি টাকার দিল্লি মেট্রো-র বিভিন্ন প্রকল্প রয়েছে। প্রধানমন্ত্রী দিল্লি মেট্রোর দুটি নতুন পথের উদ্বোধন করবেন। এর একটি প্রায় বারো দশমিক তিন কিলোমিটার দীর্ঘ মজলিস পার্ক থেকে মৌজপুর বাবরপুর পর্যন্ত এবং অন্যটি প্রায় নয় দশমিক নয় কিলোমিটার দীর্ঘ দীপালি চক থেকে মজলিস পার্ক পর্যন্ত বিস্তৃত। এছাড়াও, প্রধানমন্ত্রী শ্রী মোদী দিল্লি মেট্রোর পঞ্চম পর্যায়ের অধীনে ষোলো কিলোমিটারেরও বেশি দৈর্ঘ্যের

তিনটি নতুন পথ নিৰ্মাণের ও ভিত্তিপ্রস্তর স্থাপন করবেন। প্রধানমন্ত্রী সাধাৰণ আবাসন পুনৰ্নিৰ্মাণ পৰিকল্পনা-এৰ অধীনে প্ৰায় পনেরো হাজাৰ দুইশো কোটি টাকার একাধিক প্ৰকল্পের উদ্বোধন ও ভিত্তিপ্রস্তর স্থাপন করবেন। সরোজিনী নগৰ, নেতাজি নগৰ, কস্তুরবা নগৰ এবং শ্ৰীনিবাসপুৰী-ৰ মতো গুৰুত্বপূৰ্ণ এলাকায় এই প্ৰকল্পগুলি বাস্তবায়িত হবে। সরকারি কৰ্মচাৰীদের জন্ম আধুনিক আবাসন এবং প্ৰশাসনিক দপ্তরের উন্নত অবকাঠামো গড়ে তোলাই এই উদ্যোগের মূল লক্ষ্য।

International Women Day, ASMITA-Dhalai:

কেন্দ্ৰীয় যুব বিষয়ক ও ক্ৰীড়া মন্ত্ৰকের অধীনে অসমিতা প্ৰকল্পে আগামী কাল ৮ই মাৰ্চ আন্তৰ্জাতিক নারী দিবস উপলক্ষে স্পোর্টস অথৰিটি অব ইন্ডিয়া এবং মাই ইন্ডিয়াৰ যৌথ উদ্যোগে দেশের ২৫০টি স্থানে একযোগে বিভিন্ন ক্ৰীড়া প্ৰতিযোগিতা অনুষ্ঠিত হবে। এই অসমিতা প্ৰকল্পের লক্ষ্য হল গ্ৰাম এবং ছোট শহৰ থেকে মেয়েদের খেলাধুলাকে ক্যারিয়ার হিসাবে গ্ৰহণ করতে উৎসাহিত করা। সারা দেশের সাথে রাজ্যেও অসমিতা প্ৰকল্পে এই প্ৰতিযোগিতা অনুষ্ঠিত হবে ধলাই জেলার কমলপুৰে। এই বিষয়ে ধলাই জেলার জিলা পৰিষদের সভাধিনেত্ৰী সুস্মিতা দাস জানিয়েছেন কমলপুৰ পি. এম শ্ৰী কৃষ্ণচন্দ্ৰ দ্বাদশ বালিকা বিদ্যালয়ের মাঠে সকাল আটটায় অনুষ্ঠান শুরু হবে। বিভিন্ন অনুষ্ঠান ছাড়াও থাকবে মহিলাদের নিয়ে একশো মিটার, দুইশো মিটার ও চাৰশো মিটার দৌড় প্ৰতিযোগিতা ও বিভিন্ন খেলাধুলা। সেখানে তেরো বছরের নিচে, তেরো থেকে আঠারো ও আঠারোর উৰ্ধ্ব বিভিন্ন বয়সী ক্ৰীড়াবিদ মহিলাৰা অংশ নেবেন।

#####Byte Susmita Das#####

International Women's Day:

আন্তর্জাতিক নারী দিবস উপলক্ষে নারী ও শিশু উন্নয়ন মন্ত্রণালয় আগামীকাল নয়াদিল্লিতে 'শক্তি পদযাত্রা'র আয়োজন করছে। বিকশিত ভারত গঠনের লক্ষ্যে জাতীয় উন্নয়নে নারীর নেতৃত্ব ও অবদানের গুরুত্ব তুলে ধরতেই এই উদ্যোগ নেওয়া হয়েছে বলে জানিয়েছে মন্ত্রণালয়। সকাল সাড়ে সাতটায় ইন্ডিয়া গেট থেকে বিজয় চক পর্যন্ত কর্তব্য পথ ধরে প্রায় দুই কিলোমিটার জুড়ে এই পদযাত্রা অনুষ্ঠিত হবে। কেন্দ্রীয় মন্ত্রী, প্রতিমন্ত্রী, সংসদ সদস্যসহ বিশিষ্ট মহিলা জনপ্রতিনিধি, সশস্ত্র বাহিনী, পুলিশ, গণমাধ্যমসহ বিভিন্ন ক্ষেত্রের প্রায় তিন হাজার নারী অংশগ্রহণ করবেন এই পদযাত্রায়।

IWD :

আন্তর্জাতিক মহিলা দিবস'কে সামনে রেখে আজ উনকোটি কলাক্ষেত্রে এক রক্তদান শিবিরের উদ্বোধন করেন কৈলাশহর পুর পরিষদের চেয়ারপার্সন চপলা রাণী দেবরায়। অনুষ্ঠানে মহিলাদের মর্যাদা ও অধিকার রক্ষার বিষয়ে শপথবাক্য পাঠ করা হয়। শিবিরে ১৫ জন রক্তদান করেন।

এদিকে, ক্রীড়া ও যুব কল্যাণ দপ্তরের উদ্যোগে আজ দক্ষিণ জেলার রাজনগরের নেতাজী সুভাষ মিলনায়তনে সুস্থ নারী স্বশক্তি পরিবার-শীর্ষক এক আলোচনা সভা অনুষ্ঠিত হয়। সভায় বাল্যবিবাহের কুফল সহ নানা বিষয়ে আলোচনা করেন রাজনগর পঞ্চায়েত সমিতির চেয়ারম্যান বিশ্বজিৎ দেবনাথ।

গোমতী জেলার অমরপুরে এবং কিল্লা ব্লকে আন্তর্জাতিক নারী দিবস উদযাপন করা হয়। অনুষ্ঠানে নারীর ক্ষমতায়ন, স্বনির্ভরতা এবং সমাজে নারীর সমঅধিকার নিয়ে আলোচনা করা হয়।

Khowai - Women's Day :

খোয়াই জেলা সমাজ কল্যাণ ও সমাজ শিক্ষা দপ্তরের উদ্যোগে আজ খোয়াই নুতন টাউন হলে জেলাভিত্তিক আন্তর্জাতিক নারী দিবস উদযাপন করা হয়। অনুষ্ঠানে উপস্থিত ছিলেন খোয়াই জেলার অতিরিক্ত জেলাশাসক অভেদানন্দ বৈদ্য, জেলা সমাজ কল্যাণ ও সমাজ শিক্ষা দপ্তরের আধিকারিক সুজিৎ দাস, আইনজীবী ঝুমুর কর্মকার, টি-আর-এল-এম এর ডিস্ট্রিক্ট কো-অর্ডিনেটর চাঁদনী গাঙ্গুলী প্রমুখ। অনুষ্ঠানে জেলার সবকটি ব্লক এলাকার স্ব-সহায়ক দল, শ্রেষ্ঠ ক্লাস্টার গুলোকে সমাজ কল্যাণ ও সমাজ শিক্ষা দপ্তরের পক্ষ থেকে পুরস্কৃত করা হয়। তাছাড়া বিভিন্ন স্ব-সহায়ক দল গুলোকে আর্থিক সহায়তা প্রদান করা হয়। অনুষ্ঠানে প্রত্যেক বক্তা নারীদের স্ব শক্তিকরনের উপর গুরুত্ব আরোপ করেন।

First Division Cricket:

ত্রিপুরা ক্রিকেট এসোসিয়েশন পরিচালিত ঘরোয়া প্রথম ডিভিশন লিগ ক্রিকেট প্রতিযোগিতা আজ থেকে শুরু হয়েছে। উদ্বোধনী দিনে তিনটি খেলা হয়। নরসিংগড়ের পি টি এ মাঠে অনুষ্ঠিত খেলায় পোলস্টার ক্লাব ৩৮ রানে মোঁচাক ক্লাবকে, টি আই টি মাঠে ইউনাইটেড বি এস টি ৫ উইকেটে চলমান সংঘকে এবং এম বি বি স্টেডিয়ামে ওল্ড প্লে সেন্টার ১৪১ রানে কসমোপলিটন ক্লাবকে পরাজিত করে।

Weather:

আগামীকাল আকাশ আংশিক মেঘাচ্ছন্ন থাকবে। দিনের সর্বোচ্চ তাপমাত্রা ৩৩ ডিগ্রি সেলসিয়াস এবং সর্বনিম্ন ২০ ডিগ্রি সেলসিয়াসের কাছাকাছি থাকতে পারে। আজ দিনের সর্বোচ্চ তাপমাত্রা ছিল ৩২.৪ ডিগ্রি সেলসিয়াস এবং সর্বনিম্ন ২০.৪ ডিগ্রি সেলসিয়াস।
